

Месяца октовриа в 22 день

Служба явлению иконы Пресвятыя Владычицы наша Богородицы Казанския.

Уставися же сей праздник праздновати в царствующем граде Москве, избавления ради от ляхов, в лето 7121 (1612 от Р.Х.).

На велицей вечерне

Блажен муж:

На Господи воззвах, поставим стихов 8, и поем стихирь, глас 4: Подобен:

Яко добля:

Яко прекрасная Слова палата,/ и престол светоносивый,/ Богородице Владычице,/ сопрестольное Слово Отчее/ во Твоих ложеснах вместила еси,/ и рождши Свет незаходимый,/ наше омрачение просветила еси,/ леть змиину отгнала еси/ и тление потребила еси:/ жизнь вечную миру даровала еси Твоим Рождеством,/ врата рая отверзла еси,/ и вся благая человеческому естеству даровала еси./ Но и ныне Госпоже, Твоими молитвами, // избавляй рабы Твоя от всех бед.

Яко велика сущи Царица и Мати,/ на Небеси превысоких сил Царя,/ пречистыя Твоя руки простерши,/ молебнo за ны предстоиши,/ и на земли яко державная помощница,/ божественною Твоею иконою,/ и духом с Твоими рабы пребываеши,/ и весело спасаеши,/ и избавляеши от всякия напасти // благочестно Богородицу Тя исповедающия.

Яко златозарный рай,/ и место прекрасное и богопросвещенное,/ и древо святое, Духом Святым осененное,/ вместилище Света невечерняго,/ Тебе ведущим, ясно немерцающим Божественною лучею,/ Младенцем Твоим светиши всей твари:/ Егоже молящи, Царице Богородице,/ спаси град Твой и люди, // к Тебе прибегающия от всех бед.

Яко порфирию царскою и виссом, иконою Твоею,/ и Твоего Сына Богородице,/ Церковь Божия просветившись, красуется чудесы./ Днесь явлением вся созывает праздновати,/ паче сияния солнечнаго,/ благодатию Святаго Духа блистающим,/ на болящих и недужных исцеления источники источаючи, // и всем дарующи богатую милость.

Ины стихирь, глас 8:

Высокий Царю непостижимый,/ со Отцем седяй на престоле и Божественным Духом:/ благоволивый родитися на земли/ от Девы неискусобрачныя Иисусе:/ ущедряя Твое создание, человеческое естество,/ неизреченными добротами,/ прими Твоея Матере приносимыя Тебе за ны молитвы,/ и не помяни беззаконий наших, // но помилуй и спаси души наша, яко милосерд. *[Дважды.]*

Преклонив небеса Царь славы, сниде обновити Адама, преступлением всего истлевшаго: вселися в Тя Чистая Дево, и родися, ключей девства не рушив, и на руках Твоих смирен Младенец, Иже архангелов Царь ношашеся. И ныне Твою молитву приемлет, и прошение Твое во всем исполняет Богородице, яко Твой Сын и Бог: Емуже усердно молися, да спасет души наша яко милосерд.

Паче скинии Моисеевы, по образу небесному сотворенныя, всю Тя Бог освяти, Богородице, Духом Святым: весь вселився в Тя, всего

человека оживи. Тем и Твоя икона, паче Аароня кивота, наполнися благодати Божия, и источает освящение душам и телесем. Ейже любезно поклоняющися, просим от Тебе великия милости, да спасеши души наша, благословенная помощнице.

Слава, и ныне, глас 8:

Приидите возрадуемся державней заступнице рода нашего,/ Царице Богородице:/ приидите к тихому Ея и чудному,/ почитаемому ангелы,/ честному поклонимся образу:/ дарует бо верным обильныя дары целébныя,/ от неистощимаго источника святых иконъ,/ неоскудную благодать источающи:/ тьмы избавляет нас искушений и бед, и всякаго грехá,/ благочестно и богоприятно прославляющих,/ и чтущих светлую и чудную Богоматере святую икону./ Тем воспевающе воззовем Первообразней:/ радуйся любезная миру помощи, // во спасение душ наших.

Вход. Прокимен дне.

И чтения 3. [Писаны месяца септемвриа во 8 день, Рождеству Богородицы.]

На литии стихиры, глас 2, самогласны:

Яко воистинну древняго кивота пречестнее,/ егда Давид собрав чины ликовствоваше,/ ныне Твоя, Богородице, икона:/ ейже предстоят архиереев собори,/ и с чинми ангел царие же и князи,/ и все христоименитых людей множество,/ достойно блажат Тя Матерь Божию,/ и прославляют раболéпно,/ и чествуют и поклоняются,/ и молятся Тебе по Бóзе:/ да мир умириши в правосла́вии,/ и царския скипетры утвердиши,/ и спасеши от всех зол Твоя рабы, // яко еди́на благословенная.

Предстоят Ти, Госпоже Богородице, пред Твоим, Пречистая, образом, архиереев сословие, царие и князи, и вси людие, монаси и простии: ведуще Тя воистинну помощницу сильну и непобедиму, моления Тебе приносить от всея души подвизают, и поуцают на молитву к Богу, требующе Твоя помощи, да простреши богоносныя Твоя руки, и умолиши за мир. Вонми и услыши, Владычице, и подаждь утешение рабом Твоим, дондеже не одолеют ны грехи наши тяжкия и лютыя: Твоя бо всегда требуем вси помощи.

Глас 8: Первее написавшейся Твоей иконе евангельских таин благовестником, и к Тебе Царице принесенней, да усвоиши ту, и сильну соделаеши спасти чествующия Тя, порадовалася еси, и яко сущи милостива, спасения нашего содетельница, яко уста и глас иконе бывши, якоже и Бога внегда зачинающи во чреве, песнь воспела еси: се от ныне ублажат Мя вси роди! И на ту зрящи глаголала еси со властью: с сим образом благодать Моя и сила. И мы истинно веруем, яко се рекла еси Госпоже, сим образом с нами еси. Тем благоговейно предстояще, поклоняемся Тебе раби Твои, посети ны Твоими матерними щедротами.

Глас 7: Гора еси великая и преславная, паче горы Синайския, Богородице: она бо не терпящи снития славы Божия во образех и сенех, огнем возгарашеся, и громи и молнии тамо быша. Ты же, весь Божественный огонь сушь, Божие Слово во чреве Твоем неопально носила еси, и от сосец Твоих млеко питала

еси, манием носящаго вся. И ныне матернее дерзновение к Нему имущи, помози, Владычице, верно празднующим Твой честный праздник, и не забуди милостивно посещающи: прияла бо еси от Бога дар строити и покрывати христоименитое стадо, рабы Твоя.

Слава, и ныне, глас 6:

Тебе вси роди человечестии хвальныя дары приносят, Владычице, и молятся яко Царице и Матери Божии: пророцы Тя премудро проповедаша, левити благословиша, апостоли и мученицы исповедаша, царие и князи покланяются, архиерее проповедуют, монаси и простии благоговеют, богатии и убозии, сироты и вдовы, и всяк возраст, и всяко преспеяние, старческое и младенческое, под кров Твой державный с верою прибегаем: покрой и соблюди, Госпоже, молитвами Твоими, и спаси от бед души наша.

На стиховне стихиры, глас 2:

Вместилище чистое/ Света пречистаго Богородице,/ како Ты раби достойно воспеваем?/ Яко явлением пречистыя Твоя иконы,/ и Превечнаго Младенца, // вся освящаеши.

Стих: Помяну имя Твое/ во всяком роде и роде.

О Дево нескверная, богородованная,/ что Ти когда таково благодарение принесем,/ яко блаженнаго Твоего Рождества/ всесияющею лучею // всех от тления к жизни возвелá еси?

Стих: Слыши Дщи и виждь,/ и приклони ухо Твое.

О Дево Госпоже, Мати Зиждителева,/ небесных еси чинов радование,/ и человеческому роду благословенная помощнице! // Моли о спасении душ наших.

Слава, и ныне, глас 5:

Воспоем людие светло Давидскую песнь,/ Отроковице Невесте Божии,/ и Матери Царя Христа:/ предста Царица одесную Тебе Владыко,/ рясны златыми одеяна,/ и преукрашена божественными благолепотами./ Сию убо яко избранную и добрую в женах,/ паче всего мира удобрив,/ благоволил еси родиться из Нея великия ради милости:/ и Сию помощницу людям Твоим даровал еси,/ спасти и покрывати от бед,/ всемогущею Твоею и Божественною силою, // Еяже молитвами Христе Боже помилуй нас.

Тропарь, глас 4:

Заступнице усърдная,/ Мати Господа Вышняго,/ за всех молиши Сына Твоего Христа Бога нашего,/ и всем твориши спастися,/ в державный Твой покров прибегающим./ Всех нас заступи о Госпоже Царице и Владычице,/ иже в напастех и скорбех, и в болезнях обремененных грехи многими,/ предстоящих и молящихся Тебе умиленною душею,/ и сокрушенным сердцем,/ пред пречистым Твоим образом со слезами,/ и невозвратно надежду имущих на Тя/ избавления всех зол,/ всем полезная даруй,/ и вся спаси Богородице Дево:// Ты бо еси божественный покров рабom Твоим.

На Утрени,

на Бог Господь, тропарь, трижды.

Величание:

Величаем Тя,/ Пресвятая Дево,/ и чтим образ Твой святой,/ от него же истекает благодатная помощь // всем с верою притекающим к нему.

Псалом избранный:

Помяни, Господи, Давида и всю кротость его./ Яко клятсЯ Господеви, обещаЯ Богу Иаковлю./ Се слышахом я во Евфрафе, обретохом я в полях дубравы./ Преславная глаголашасЯ о Тебe, граде Божий./ Бог посреде его, и не подвижится./ КлятсЯ Господь Давиду истиною и не отвержется еЯ./ От плода чрева Твоего посажду на престоле Твоем./ Яко избра Господь Сиона, изволи его в жилище Себе./ Освятил ест селение Свое Вышний./ Святыня и велелепота во святиле Его./ Свят храм твой, дивен в правде./ Дому Твоему подобает сватыня, Господи, в долготу дней./ Помяну имя Твое во всяком роде и роде./ Благословен Господь во век и в век века.

Таже степенна, 1-й антифон 4-го гласа.

Прокимен: Помяну имя Твое/ во всяком роде и роде.

Стих: Слыши, Дщи, и виждь, и приклони ухо Твое.

Всякое дыхание: Евангелие Луки, зачало 4.

По 50-м псалме стихира, глас 8:

Приидите возрадуемсЯ державней заступнице рода нашего,/ Царице Богородице:/ приидите к тихому ЕЯ и чудному,/ почитаемому ангелы,/ честному поклонимсЯ образу:/ дарует бо верным обильныя дары целebныя,/ от неистощимаго источника сватыя иконы,/ неоскудную благодать источающи:/ тьмы избавляет нас искушений и бед, и всякаго греха,/ благочестно и богоприятно прославляющих,/ и чтущих светлую и чудную Богоматере святую икону./ Тем воспевающе воззовем Первообразней:/ радуйсЯ любезная миру помощи,// во спасение душ наших.

*Канон Пресвятей Богородице, Одигитрию, со ирмосом на 6.
Творение иеромонаха Игнатия. Глас 4.*

Песнь 1. Ирмос:

Отверзу уста моя,/ и наполнятся Духа,/ и слово отрыгну Царице Матери,/ и явлюся светло торжествуя,// и воспою радуясь Той чудеса.

Катавасиа: Отверзу уста моя:

Песнь 3. Ирмос:

Твоя песнословцы Богородице,/ живой и независтный источниче,/ лик себе совокупльшия,/ духовно утверди, в божественней Твоей славе// венцев славы сподоби.

Песнь 4. Ирмос:

Седяй в славе,/ на престоле Божества,/ во облаце легце,/ прииде Иисус Пребожественный,/ нетленную дланию,/ и спасе зовущия:// слава, Христэ, силе Твоей.

Песнь 5. Ирмос:

Ужасошася всяческая/ о божественней славе Твоей:/ Ты бо Неискусобрачная Дево,/ имела еси во утробе над всеми Бога,/ и родила еси Безлетнаго Сына,/ всем воспевающим Тя// мир подавающая.

Песнь 6. Ирмос:

Божественное сие и всечестное/ совершающе празднество/ богومудрии Богоматере,/ приидите руками восплещим,// от Нея рождшагося Бóга славим.

Кондак, глас 8: Подобен: Взбранной:

Притецем людие к тихому сему и доброму пристанищу,/ скорой помощнице, готовому и теплomu спасению, покрову Девы./ Ускорим на молитву и потщимся на покаяние:/ источает бо нам неоскудная милости Пречистая Богородица,/ предваряет на помощь, и избавляет от великих бед и зóл,// благонравныя и богобоящияся рабы Своя.

Песнь 7. Ирмос:

Не послужиша твари богомудрии/ паче Создávшаго,/ но огненное прещение мужески поправше,/ радовахуся поюще:// препетый отцев Господь и Бóг благословен еси.

Песнь 8. Ирмос:

Отроки благочестивыя в пещи,/ Рождество Богородичо спасло есть,/ тогда убо образуемое,/ ныне же действуемое,/ вселенную всю воздвизает пети Тебе:/ Гóспода пойте дела,// и превозносите Егó во вся веки.

Песнь 9. Ирмос:

Всяк земнорóдный/ да възиграется Духом просвещаемь,/ да торжествует же безплотных умóв естество,/ почитающее священное торжество Богоматере,/ и да вопиет:/ радуйся Всеблаженная// Богородице, Чистая Приснодево.

На хвалитех стихиры, на 4, глас 4:

Прославим вернии обрадованную Богородицу,/ паче же во устех наших íмамы/ всегда́ святое и благословенное íмя Ея́,/ непрестанно прибега́юще/ к пречистей Ея и цельбоносней икóне:/ Тою бо обретаем яже на земли вся благая и полéзная,/ и сущих на воздухе от демонов запинаний избавля́емся,/ яко Мати рожда́ющая всéх Творца́, // спасает от бед души на́ша. [Дважды.]

Да рыдает вечно сонм злочестíвых,/ не исповедающих Тя́ в рождествé/ Чíстую Богороди́тельницу,/ и не покланяющихся пречистей Твоей икóне:/ вернии же люди раду́ющиеся испове́дуем Тя́/ íстинную Деву Богороди́цу,/ яко воистинну родила еси плотию Христа Бога на́шего./ Тление Адамово попрáла еси,/ и от грехá весь мир очíстила еси́,/ жизнь безконечную даровáла еси́,/ райский вход верным отверзла еси Божественным Твои́м Рождествóм./ Егоже моли, спастíся нам // поющим верно Твое та́инство.

Радуется убо и веселится неизреченною ра́достью,/ все множество благочестíвых:/ припада́юще же покланя́ются,/ вси благоговеют Божии Матери с боя́знию,/ благодаряще Сию по Бóзе,/ яко Бога толиких превеликих благ ходáтаицу,/ в неже желают ангели принíкнути,/ дарова Богородицею верным Христос Бóг на́ш,/ имея́й мно́жество щедрóт, // и великую пребогатую мíлость.

Слава, и ныне, глас 8:

Святáя Твоя и сообразная икона Богородице Дéво,/ благода́тию Твоею пребогатый сущий исто́чник,/ кипящий всей подсо́лнечней,/ и светя́щий всему миру светолучными Святаго Духа сия́ньми,/ и исцелéний светлостьми́./ Ты бо Бога Слова плотию несказáнно родила́ еси́,/ от архáнгела Гавриила сицевая слы́шавши:/ радуйся обрадованная, Господь с Тобóю,/ и Дух Святый осeníт Тя к зачáтию./ Та́кожде рекла еси к первописанной Твоей иконе, на ту зря́щи:/ с тою Моя благодать, и слово Твое со вла́стию икóне бы́сть./ И образ и глас, и síла и дéло,/ и вся́к ум превосходя́щая Божéственная благода́ть,/ спребыва́ющи вечно, знамения и чудеса непрестанно содева́ет,/ и душеполезное исцеление всем верно приходя́щим подаёт, // Твоими Богоматерними непрестанными к Богу моли́твами.

Славословие великое. И отпуст.

На Литургии, служба Богородицы.